

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 15-12-2025			
Org. jed.	Kl. ozn.	Red. broj	Sr. priloga
01	21	2557/25	

Broj: 02-21-2171/25-AP-5
Datum: 11.12.2025. godine

GRADSKO VIJEĆE ZAVIDOVIĆI
n/r PREDSEDavajuća GRADSKOG VIJEĆA
Hadžić dr. Amira, spec. radiolog

PREDMET: Prijedlog Zaključka o ustupanju korištenja ribolovnog područja, dostavlja se

U prilogu akta dostavljam Vam Prijedlog Zaključka o ustupanju korištenja ribolovnog područja.

Prijedlog Zaključka o ustupanju korištenja ribolovnog područja sa obrazloženjem i zaključkom gradonačelnice, dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

Akt pripremila:

F.M.

(Fatima Merdanović)

Akt pregledao:

on

(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-21-2171/25-AP-6
Datum: 11.12.2025. godine

Na osnovu člana 11. Poslovnika o radu Kolegija Općinskog načelnika („Službeni glasnik Općine Zavidovići“, broj: 1/2017), Kolegij Gradonačelnice Zavidovići na nastavku 14. sjednice održane 11.12.2025. godine razmatrao je Prijedlog Zaključka o ustupanju korištenja ribolovnog područja, te nakon rasprave Gradonačelnica donosi

ZAKLJUČAK

1. Utvrđuje se Prijedlog Zaključka o ustupanju korištenja ribolovnog područja, koji je pripremila Služba za upravu poljoprivrede, vodoprivrede i komunalnih poslova.
2. Prijedlog Zaključka o ustupanju korištenja ribolovnog područja sa obrazloženjem dostavlja se Gradskom vijeću Zavidovići na razmatranje.
3. O realizaciji ovog Zaključka starat će se Stručna služba gradonačelnika.

Dostavljeno:

1. Gradsko vijeće Zavidovići,
2. U spis.

GRADONAČELNICA

mr. iur. Erna Merdić Smailhodžić

Akt pripremio: 
(Nermin Čahtarević)





Broj: 02-21-2171/25-AP-4
Datum: 11.12.2025. godine

Na osnovu člana 106. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) Gradsko vijeće Zavidovići na __. sjednici održanoj __. __. 2025. godine donosi

ZAKLJUČAK

1. Gradsko vijeće Zavidovići odobrava Ministarstvu za poljoprivredu, šumarstvo i vodoprivredu Zeničko-dobojskog kantona da ustupi na korištenje ribolovno područje Grada Zavidovići davanjem ribolovnog prava putem konkursa uz naknadu i na osnovu predloženog programa gospodarenja ribolovnim područjem.

2. Korisnik ribolovnog prava plaća naknadu za ustupljeno ribolovno pravo za ribolovnu zonu „Zavidovići“ u iznosu od 1.200,00 KM godišnje.

3. Zaključak stupa na snagu danom donošenja i objavit će se u „Službenom glasniku Grada Zavidovići“, a o njegovoj realizaciji starat će se Služba za upravo poljoprivrede, vodoprivrede i komunalnih poslova.

PREDSJEDAVAJUĆA
GRADSKOG VIJEĆA

Hadžić dr. Amira, spec. radiolog

OBRAZLOŽENJE

PRAVNI OSNOV DONOŠENJA ZAKLJUČKA

Na osnovu člana 106. Poslovnika Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023):

„Zaključkom Vijeće:

- zauzima stavove, pokreće inicijative i izražava mišljenje o pitanjima o kojima je raspravljalo;
- daje suglasnost ili potvrđuje pojedine akte kada je to propisom određeno;
- uređuje unutrašnje odnose u Vijeću, ako oni nisu uređeni ovim Poslovnikom ili drugim aktima Vijeća.

Članom 5. Zakona o slatkovodnom ribarstvu („Službene novine FBiH“, broj: 64/04, 27/10 i 10/25) propisano je da: Ribolovna područja, odnosno dijelove ribolovnih područja - ribolovne zone, određuje i ustupa na korištenje fizičkom ili pravnom licu, odnosno udruženju ili organizaciji sportskih ribolovaca, kantonalno ministarstvo nadležno za poslove poljoprivrede uz prethodno pribavljeno mišljenje nadležnog organa lokalne samouprave, na čijoj teritoriji se nalaze ribolovna područja, odnosno dijelovi ribolovnih područja - ribolovne zone. Naknada predstavlja namjenska sredstva i dijeli se u omjeru 50% lokalna samouprava i 50% kanton.

Vlada Zeničko-dobojskog kantona je donijela Odluku o određivanju ribolovnog područja i zona na području kantona („Službene novine ZDK“, broj: 18/07). Napominjemo da se ribolovno područje ustupa na period od 10 godina u skladu sa članom 8. Zakona o slatkovodnom ribarstvu („Službene novine FBiH“, broj: 64/04, 27/10 i 10/25).

RAZLOZI DONOŠENJA ZAKLJUČKA

Ministarstvo za poljoprivredu, šumarstvo i vodoprivredu Zeničko-dobojskog kantona obratilo se gradovima na području kantona dopisom, broj: 05-20-4200/25 od 10.03.2025. godine kojim su tražili mišljenje za ustupanje na korištenje ribolovnog područja.


Prijedlog visine naknade je utvrđen na osnovu dosadašnje visine naknade, uvida u visinu naknade nekih JLS u slivu rijeke Bosne, i na osnovu finansijskih izvještaja udruženja ribolovaca iz Zavidovića.


Cilj je da naknada bude i faktor stimulisanja udruženja ribolovaca za uspješan rad na poslovima koji preuzimaju kroz prava korištenja ribolovnog područja (uređenja obala, staza, projekti ekologije, poribljavanja, zaštita ribljeg fonada...).

Veći iznos naknade od predloženog bi onemogućio kvalitetan rad udruženja, tj. realizaciju aktivnosti koje su od interesa za lokalnu zajednicu.

FINANSIJSKA SREDSTVA POTREBNA ZA REALIZACIJU ZAKLJUČKA

Za realizaciju ovog Zaključka nisu potrebna finansijska sredstva.

Akt pripremio: 
(Amir Mahmutović)
Akt pregledao: 
(Idriz Alihodžić)
Akt pregledao: 
(Nermin Čahtarević)



GRADONAČELNICA

mr. iur. Erna Merdjo Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravljanje poljoprivrede,
vodoprivrede i komunalnih poslova

Broj: 08-21-2160/25-AP-2

Datum: 24.11.2025.. godine

GRADONAČELNICA

PREDMET: Prijedlog Zaključka o ustupanju korištenja ribolovnog područja
-dostavlja se-

U prilogu Vam dostavljamo prijedlog Zaključka o ustupanju korištenja ribolovnog područja na daljnju proceduru, a kojim se Ministarstvu za poljoprivredu, šumarstvo i vodoprivredu Zeničko-dobojskog kantona ustupa na korištenje ribolovno područje grada Zavidovići davanjem ribolovnog prava putem konkursa uz naknadu i na osnovu predloženog programa gospodarenja ribolovnim područjem. Ministarstvo za poljoprivredu, šumarstvo i vodoprivredu Zeničko-dobojskog kantona obratilo se gradovima na području kantona dopisom broj: 05-20-4200/25 od 10.03.2025. godine kojim su tražili mišljenje za ustupanje na korištenje ribolovnog područja. Članom 5. Zakona o slatkovodnom ribarstvu („Službene novine FBiH“, broj:10/25) propisano je da ribolovna područja ili dijelovi se ustupaju na korištenje fizičkom ili pravnom licu, odnosno udruženju ili organizaciji sportskih ribolovaca, putem nadležnog kantonalnog ministarstva uz prethodno pribavljeno mišljenje nadležnog organa lokalne samouprave. Naknada predstavlja namjenska sredstva i dijeli se u omjeru 50% lokalna samouprava i 50% kanton.

Vlada Zeničko-dobojskog kantona je donijela Odluku o određivanju ribolovnog područja i zona na području kantona („Službene novine ZDK“, broj:18/07). Napominjemo da se ribolovno područje ustupa na period od 10 godina u skladu sa članom 8. Zakona o slatkovodnom ribarstvu („Službene novine FBiH“, broj:64/04, 27/10 i 10/25).


Prijedlog visine naknade je utvrđen na osnovu dosadašnje visine naknade, uvida u visinu naknade nekih JLS u slivu rijeke Bosne, i na osnovu finansijskih izvještaja udruženja ribolovaca iz Zavidovića.

Cilj je da naknada bude i faktor stimulisanja udruženja ribolovaca za uspješan rad na poslovima koji preuzimaju kroz prava korištenja ribolovnog područja (uređenja obala, staza, projekti ekologije, poribljavanja, zaštita ribljeg fonada,...)

Veći iznos naknade od predloženog bi onemogućio kvalitetan rad udruženja, tj. realizaciju aktivnosti koje su od interesa za lokalnu zajednicu.

Dostavljeno:

1. Naslov,
2. U spis.



POMOĆNIK GRADONAČELNICE

Idriz Alihodžić, prof.

Akt pripremio:

(Amir Mahmutović, dipl.ecc.)

Bosna i Hercegovina
Federacija Bosne i Hercegovine
ZENIČKO-DOBOJSKI KANTON

Ministarstvo za poljoprivredu,
šumarstvo i vodoprivredu



**GRADOVI/OPĆINE
ZENIČKO-DOBOJSKOG
KANTONA**

n/r Gradonačelnika
n/r Općinskog načelnika

Bosnia and Herzegovina
Federation of Bosnia and Herzegovina
ZENICA-DOBOJ CANTON

Ministry of agriculture,
forestry & water management

08
1403

14-03-2025

Primljeno			
Org. jed.	Kl. ozn.	Red. broj	
08			

08/0

Chy

Zenica, 10.03.2025. godine

Vaš znak:

Naš znak: 05-20-4200/25

**PREDMET: Mišljenje za ustupanje na korištenje ribolovnog područja/zona i prijedlog
naknade, traži se**

Obavještavamo Vas da je stupio na snagu Zakon o izmjenama i dopuni Zakona o slatkovodnom ribarstvu („Službene novine Federacije BiH“, broj: 10/25) kojim su jedinice lokalne samouprave uključene u postupak ustupanja na korištenje ribolovnih područja/zona, u određivanju naknade za ustupanje ribolovnih područja/zona i u postupku za dozvolu za privredni ribolov.

Članom 5. Zakon o izmjenama i dopuni Zakona o slatkovodnom ribarstvu („Službene novine Federacije BiH“, broj: 10/25) je propisano da ribolovna područja, odnosno dijelovi ribolovnih područja – ribolovne zone, određuje i ustupa na korištenje fizičkom i pravnom licu, odnosno udruženju ili organizaciji sportskih ribolovaca kantonalno ministarstvo nadležno za poslove poljoprivrede uz prethodno pribavljeno mišljenje nadležnog organa lokalne samouprave, na čijoj teritoriji se nalaze ribolovna područja, odnosno dijelovi ribolovnih područja-ribolovne zone. Članom 6. istog Zakona je propisano da ribolovno područje ili dio ribolovnog područja, kantonalno ministarstvo, uz prethodno pribavljeno mišljenje nadležnog organa lokalne samouprave, ustupa na korištenje korisniku davanjem ribolovnog prava putem konkursa, uz naknadu i na osnovu predloženog programa gospodarenja ribolovnim područjem. Visinu naknade određuje Vlada kantona na čijoj teritoriji se nalazi ribolovno područje ili dio ribolovnog područja, a na prijedlog nadležnog organa lokalne samouprave. Naknada za ustupanje na korištenje ribolovnog prava su namjenska sredstva koja se dijele u omjeru 50% lokalna samouprava i 50% kanton.


Vlada Zeničko-dobojskog kantona je donijela Odluku o određivanju ribolovnog područja i ribolovnih zona na području Zeničko-dobojskog kantona („Službene novine Zeničko-dobojskog kantona“, broj: 18/07) kojom su utvrđena ribolovna područja/zona sa granicama i namjenom. Ribolovno područje Zeničko-dobojskog kantona čine vodotoci i jezera u kojima je moguć ribolov. Vodotoci ribolovnog područja Zeničko-dobojskog kantona čine sliv rijeke Bosne na potezu koji prolazi kroz ovaj Kanton. Osnovna namjena ribolovnog područja Zeničko-dobojskog kantona je sportsko-rekreacioni ribolov. Izuzetno, dio ribolovnog područja može se koristiti i za privredni ribolov ako je to predviđeno Studijom o mogućnostima privrednog ribolova na području Zeničko-dobojskog kantona.

Ministarstvo za poljoprivredu, šumarstvo i vodoprivredu obavezno je u narednom periodu raspisati javni konkurs za ustupanje ribolovnog područja ili dio ribolovnog područja na teritoriji Zeničko-dobojskog kantona za sportsko-rekreacioni ribolov. U skladu sa gore navedenim, potrebno je da u roku od 60 dana dostavite mišljenje Gradskog/Općinskog vijeća za ustupanje ribolovnog područja/zone, prijedlog visine naknade za ustupanje na korištenje ribolovnog prava, te podatke o kontakt osobi koja će učestvovati kao član komisije u provođenju javnog konkursa (ime i prezime, e-mail i kontakt telefon).

Napominjemo Vas da se ribolovno područje ustupa na period od 10 godina a u skladu sa članom 8. Zakona o slatkovodnom ribarstvu („Službene novine Federacije BiH“, broj: 64/04 i 27/10 i 10/25).

S poštovanjem,

Dostavljeno:
12 x Naslovu,
12 x Gradskom/Općinskom vijeću,
1 x a/a.



MINISTAR
Jasmin Čajić
Jasmin Čajić

Obi 816-515
Sejo Dizdarević



**GRADOVI/OPĆINE
ZENIČKO-DOBOJSKOG
KANTONA**

n/r Gradonačelnika
n/r Općinskog načelnika

Zenica, 01.10.2025. godine

Vaš znak:

Naš znak: 05-20-4200-1/25

- **HITNO,**

PREDMET: Urgencija za dostavu mišljenja za ustupanje na korištenje ribolovnog područja/zona i prijedlog naknade, traži se

- *Veza naš akt broj: 05-20-4200/25 od 10.03.2025.*

Poštovani,

Obavještavamo Vas da, i pored dopisa broj: 05-20-4200/25 od 10.03.2025, kojim ste blagovremeno obaviješteni i pozvani da dostavite mišljenje i prijedlog naknade, u ostavljenom roku nismo zaprimili Vaš odgovor.

S obzirom da je krajnji rok za dostavu istekao, a predmet je od značaja za donošenje potrebnih odluka na nivou kantona, ovim putem Urgiramo da u što kraćem roku, a najkasnije do 30 dana od prijema dostavite traženo mišljenje sa prijedlogom naknade.


S poštovanjem,

Dostavljeno:

4 x Naslovu - (Zavidovići, Maglaj, Žepče, Breza)

4 x Gradskom/Općinskom vijeću - (Zavidovići, Maglaj, Žepče, Breza)

1 x a/a.



MINISTAR

108 m
Jasmin Čajić



ZENIČKO-DOBOJSKI KANTON
Ministarstvo za poljoprivredu,
šumarstvo i vodoprivredu

Kučukovići 2
72 000 Zenica

Broj:

R RB29639 409 0 BA
72101 Zenica

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	03-10-2025		
Org. jed.	Kl. ozna.	Rad. broj	Dr. priloga

85

POŠTARNA ZENICA
72101
ZENICA

02.10.25.19

HITNO!

GRADSKO VIJEĆE
GRADA ZAVIDOVIĆI
n/r predsjedavajućeg GV
72 220 ZAVIDOVIĆI

Predsjedavajući
Doma naroda
Parlamenta Federacije BiH
Tomislav Martinović, s. r.

dobojskog kantona («Službene novine Zeničko-dobojskog kantona», broj 16/00, 7/05 i 4/06) i člana 4. Zakona o slatkovodnom ribarstvu («Službene novine Federacije BiH», broj 64/04.), Vlada Zeničko-dobojskog kantona, na 27. sjednici, održanoj 13.09.2007. godine, d o n o s i

O D L U K U

o određivanju ribolovnog područja i ribolovnih zona na području Zeničko-dobojskog kantona

I OPĆE ODREDBE

Član 1.

Ovom odlukom utvrđuje se:

- Ribolovno područje sa granicama i namjenom i
- Ribolovne zone sa granicama i namjenom.

II RIBOLOVNO PODRUČJE

Član 2.

Ribolovno područje Zeničko-dobojskog kantona čine vodotoci i jezera u kojima je moguć ribolov. Vodotoci ribolovnog područja Zeničko-dobojskog kantona čine sliv rijeke Bosne na potezu koji prolazi kroz ovaj Kanton. Osnovna namjena ribolovnog područja Zeničko-dobojskog kantona je sportsko-rekreacioni ribolov. Izuzetno, dio ribolovnog područja može se koristiti i za privredni ribolov ako je to predviđeno Studijom o mogućnostima privrednog ribolova na području Zeničko-dobojskog kantona.

GRANICE RIBOLOVNOG PODRUČJA

Član 3.

Granice na rijeci Bosni:

- Prema Sarajevskom kantonu u općini Visoko u mjestu Donja Vratnica
- Prema Republici Srpskoj u općini Doboj Jug u mjestu Karuše.

Granice na rijeci Fojnici:

- Prema Srednje-bosanskom kantonu u općini Visoko uzvodno prema općini Kiseljak kod Tošakovića kuća.

Granice na rijeci Lašvi:

- Prema Srednje-bosanskom kantonu u općini Zenica uzvodno prema općini Busovača, 3 km od utoka u rijeku Bosnu.

Granice na rijeci Usori:

- Prema Republici Srpskoj u općini Usora uzvodno u mjestu Makljenovac prema opštini Teslić kod

Marijinog Vrela.

Granice na rijeci Stupčanici:

- Prema Republici Srpskoj u općini Olovo uzvodno prema općini Han Pijesak na 18 km od Olova.

Granice na rijeci Misoči:

- Prema Sarajevskom Kantonu u općini Breza nizvodno prema općini Ilijaš na drugom kilometru od mjesta Mahmutovića Rijeka.

VODOTOCI I JEZERA RIBOLOVNOG PODRUČJA ZENIČKO-DOBOJSKOG KANTONA

Član 4.

U ribolovnom području Zeničko-dobojskog kantona nalaze se slijedeći vodotoci i jezera:

Vodotoci: Bosna, Fojnica, Lašva, Usora, Krivaja, Stupčanica, Bioštica, Misoča, Stavnja, Orlja, Duboštica, Tribija, Velika Maoča, Mala Maoča, Blaža, Čamovinski Potok, Kaljavi Potok, Kunosički Potok, Bukovica, Očevlja, Slavinski Potok, Goruša, Srhinjski Potok, Zimašnica, Radovljanka, Trstionica, Ribnica, Zgošća, Bijeće Vode, Žuča, Mala Rijeka, Tešanjka, Liješnica, Jablanica, Bistrica, Gostović, Lužnica, Suha, Mašica, Otežanj, Sadevica, Sajeveca, Stara Kamenica, Vozučica, Đinića Rijeka, Svinjašnica, Mala Ribnica, Pepelarska Rijeka, Želečka Rijeka, Željezno-poljska Rijeka, Ograjina, Papratnica, Babina Rijeka, Kočeva, Orahovički Potok, Bistrička Rijeka, Gračanički Potok, Šerički Potok, Nemilski Potok, Gladovički Potok, Đulanov Potok, Sebujski Potok.

Jezera: Ciglansko Jezero, Vrtličko Jezero, Pržičko Jezero i jezero Smreka.

III RIBOLOVNE ZONE

Član 5.

Ribolovna zona Olovo.

Ribolovnu zonu Olovo čine slijedeći vodotoci:

- Rijeka Bioštica od ušća potoka Rakitnica do sastavka sa rijekom Stupčanicom sa kojom tvori rijeku Krivaju
- Rijeka Stupčanica od granice sa općinom Han Pijesak u selu Žeravice na 18 km od Olova do sastavka sa rijekom Biošticom
- Rijeka Krivaja od mjesta formiranja ove rijeke u Olovu do administrativne granice sa općinom Zavidovići kod mjesta gdje u Krivaju utiče rječica Maoča
- Rječica Orlja od izvora do ušća u Krivaju
- Potok Očevica u dužini od 2 km od ušća u Orlju
- Rijeka Duboštica

- Rijeka Tribija
- Velika Maoča.

Ribolovna zona Olovo namijenjena je za sportsko-rekreacioni ribolov.

Ribolovna zona Breza

Ribolovnu zonu Breza čine slijedeći vodotoci:

- Rijeka Stavnja u toku od administrativne granice sa općinom Vareš kod Milkinog Vrela, do sela Vrbovik u dužini od 9 km
- Rijeka Misoča na potezu 1 km iznad i 2 km ispod sela Mahmutović Rijeka.

Ribolovna zona Breza namijenjena je za sportsko-rekreacioni ribolov.

Ribolovna zona Vareš

Ribolovnu zonu Vareš čine slijedeći vodotoci i jezera:

- Rijeka Krivaja u dužini od 5 km između mostova na 47 km i 52 km.
- Rijeka Stavnja od izvora do granice sa općinom Breza kod Milkinog Vrela, a u Stavnju utiču potoci: Ponikve, Zaruđanski Potok, Mala Rijeka i Žahlja
- Rječica Blaža cijelim tokom od izvora do ušća u Misoču je na općini Vareš, a u Blažu utiču potoci: Čamovinski, Kaljavi i Kunosički
- Bukovica od izvora do ušća u rijeku Trstionicu, u Bukovicu utiče Borovički Potok
- Tribija cijelim tokom od izvora do ušća u Krivaju, u Tribiju utiču Duboki Potok i Vijačkica
- Duboštica od Ravne Rijeke do administrativne granice sa općinom Olovo
- Očevlja od izvora do administrativne granice sa općinom Olovo
- Slaviński Potok od sela Poljica do sela Podvinci na tromedi općina Visoko, Breza i Vareš
- Pržičko jezero
- Jezero Smreka.

Ribolovna zona Vareš namijenjena je za sportsko-rekreacioni ribolov.

Ribolovna zona Visoko

Ribolovnu zonu Visoko čine slijedeći vodotoci:

- Rijeka Bosna u ovoj ribolovnoj zoni teče od granice prema Sarajevskom kantonu kod Donje Vratnice

do granice sa općinom Kakanj, 2,5 km uzvodno od Termoelektrane Kakanj

- Rijeka Fojnica u ovoj ribolovnoj zoni teče od administrativne granice sa općinom Kiseljak do ušće u rijeku Bosnu. U Fojnicu se sa desne strane toka ulijevaju Goduški i Kralupski potok
- Rijeka Goruša (Gračanička rijeka), koju formira Slavinski potok koji izvire u općini Vareš, u nižem toku u ovu rijeku utiče Lužnički potok
- Srhinjski potok cijelim tokom je na području općine Visoko, a u Bosnu utiče kod Bijelih Voda
- Zimašnica izvire u selu Stojčevac, a u Bosnu se ulijeva u selu Moštre
- Radovljanka je rječica koju tvore tri potoka: Kondžilski, Džindžijski i Liješevski.

Ribolovna zona Visoko namijenjena je za sportsko-rekreacioni ribolov.

Ribolovna zona Kakanj

Ribolovnu zonu Kakanj čine slijedeći vodotoci i jezera:

- Rijeka Bosna u ovoj ribolovnoj zoni teče od administrativne granice prema općini Visoko ili 2,5 km uzvodno od Termoelektrane Kakanj, a nizvodno na administrativnoj granici prema općini Zenica na mjestu gdje se u Bosnu ulijeva Jehovinski Potok
- Trstionica je značajan vodotok dužine preko 20 km u cijelom toku je na općini Kakanj, a u Bosnu se ulijeva s desne strane toka rijeke Bosne kod Termoelektrane Kakanj, ova rječica ima pritoku Bukovica
- Zgošća izvire ispod planine Ponijeri, a u rijeku Bosnu se sa desne strane njenog toka ulijeva u gradu Kakanj
- Rječica Bijele Vode je kraći vodotok u dužini do 5 km, a u rijeku Bosnu se ulijeva kod naselja Karaula
- Rijeka Ribnica je duži vodotok oko 20 km, izvire u Brnjicu u naselju Podvorje, a u rijeku Bosnu se ulijeva u naselju Ribnica. U ovu rijeku na njenom toku ulijevaju se potoci Žuča i Mala Rijeka

- Vrtličko jezero.

Ribolovna zona Kakanj namijenjena je za sportsko-rekreacioni ribolov.

Ribolovna zona Zenica

Ribolovnu zonu Zenica čine slijedeći vodotoci:

- Rijeka Bosna u ovoj ribolovnoj zoni teče od administrativne granice prema općini Kakanj na mjestu gdje se sa lijeve strane toka u nju ulijeva Jehovinski

Potok i završava nizvodno na administrativnoj granici sa općinom Žepče u mjestu gdje se s desne strane toka u Bosnu ulijeva Kovanički Potok

- Rijeka Lašva u svom završnom toku u dužini od 3 km od ušća u rijeku Bosnu pripada ribolovnoj zoni Zenica
- Rijeka Kočeva izvire ispod planine Lisac u selu Vrselje, a u rijeku Bosnu sa njene desne strane na vodotok ulijeva se u centru grada Zenice
- Orahovički Potok je vodotok koji izvire u selu Orahovica, a u rijeku Bosnu se ulijeva u naselju Nemila
- Vrandučki Potok je vodotok koji izvire ispod planine Lisac i s lijeve strane na tok se ulijeva u rijeku Bosnu kod naselja Vranduk
- Bistrička Rijeka je vodotok koji tvore dva vodotoka, a to su Šerički Potok i Ograjinski Potok
- Babina Rijeka je vodotok koji tvore dva vodotoka, a to su Seoški i Arnautski Potok, ovaj vodotok se desne strane na tok ulijeva u rijeku Bosnu u gradu Zenica kod takozvanog Drvenog mosta
- Džulanov Potok koji izvire ispod Klopačkih Stijena
- Gračanički Potok koji izvire u selu Jezera i u rijeku Bosnu s desne strane na njen tok ulijeva se u naselju Kanal
- Nemilski Potok koji izvire ispod Pepelara i u rijeku Bosnu se s desne strane ulijeva u naselju Nemila
- Gladovički Potok izvire iznad sela Gladovići i u rijeku Bosnu se ulijeva s desne strane kod sela Koprivna.

Ribolovna zona Zenica namijenjena je za sportsko-rekreacioni ribolov.

Ribolovna zona Žepče

Ribolovnu zonu Žepče čine slijedeći vodotoci:

- Rijeka Bosna u ovoj ribolovnoj zoni teče od administrativne granice prema općini Zenica na mjestu gdje Kovanički Potok utiče u Bosnu, a završava nizvodno sa desne strane toka ove rijeke u selu Dolovi, te sa lijeve strane u selu Vinište i dio lijeve obale ove rijeke od sela Šimići do sela Bradići
- Pepelarska Rijeka izvire na Pepelarima, te ovoj zoni pripada u dužini od 7km od ušća u rijeku Bosnu u mjestu Begov Han
- Želečka Rijeka cijelim tokom je na općini Žepče i u Bosnu se ulijeva u mjestu Želeča.
- Želježno-poljska Rijeka izvire ispod Jastreba, a u Bosnu se ulijeva s njene lijeve strane na to kod naselja Donja Golubinja
- Ograjina izvire ispod Matinskog Visa.
- Papratnica u cijelom toku je u ovoj zoni, ovaj vodok je dug oko 12 km i u Bosnu se ulijeva s lijeve strane na

tok kod sela Papratnica

- Liješnica ovoj zoni pripada samo u svom srednjem dijelu kod naselja Brankovići u dužini do 10 km.

Ribolovna zona Žepče namijenjena je za sportsko-rekreacioni ribolov.

Ribolovna zona Zavidovići

Ribolovnu zonu Zavidovići čine slijedeći vodotoci:

- Rijeka Bosna ovoj ribolovnoj zoni pripada: desna obala od sela Dolovi do sela Bočinja na administrativnoj granici prema općini Maglaj, te lijeva obala od sela Vinište do sela Šimići
- Rijeka Krivaja ovoj ribolovnoj zoni pripada od ušća vodotoka Mala Maoča u Krivaju pa do ušća Krivaje u rijeku Bosnu u gradu Zavidovići
- Gostović je vodotok koje nastaje od dva potoka i to Suha i Lužnica, a završava na ušću ovog vodotoka u Bosnu s desne strane na tok Bosne
- Pored navedenih vodotoka koji se ulijevaju u rijeku Bosnu pritoke Bosne u ovoj zoni su i slijedeći vodotoci: Mašica, Otežanj, Sadevica, Sajevica i Stara Kamenica
- Pritoke Krivaje koje pripadaju ovoj zoni su: Mala Maoča, Vozučica, Džinića Rijeka, Svinjašnica i Mala Ribnica.

Ribolovna zona Zavidovići namijenjena je za sportsko-rekreacioni ribolov.

Ribolovna zona Maglaj

Ribolovnoj zoni Maglaj pripadaju slijedeći vodotoci:

- Rijeka Bosna svojim tokom u ovoj ribolovnoj zoni ima slijedeće granice; uzvodno desna obala u mjestu Bočinja na granici prema općini Zavidovići a završava nizvodno na administrativnoj granici prema Republici Srpskoj, lijeva strana na granici prema općini Žepče u selu Bradići, a nizvodno na administrativnoj granici prema općini Tešanj
- Liješnica izvire u Novom Šeheru, a ovoj ribolovnoj zoni pripada od izvora do mjesta Ljubutovići te od mjesta Brankovići do ušća u Bosnu
- Jablanica izvire ispod Ozrena u pećini Megare i cijelim tokom od izvora do ušća u Bosnu s desne strane na tok pripada ovoj ribolovnoj zoni
- Bistrica je pritoka Bosne s lijeve strane na tok, izvire u M.Z. Oručje i cijelim tokom pripada ovoj ribolovnoj zoni.

Ribolovna zona Maglaj namijenjena je za sportsko-

rekreacioni ribolov.

Ribolovna zona Doboj Jug-Tešanj-Usora

Ribolovnoj zoni Doboj Jug-Tešanj-Usora pripadaju slijedeći vodotoci i jezera:

- Rijeka Bosna njena lijeva strana ovoj ribolovnoj zoni pripada uzvodno na granici prema općini Maglaj, a nizvodno na granici prema Republici Srpskoj
- Rijeka Usora ovoj ribolovnoj zoni pripada uzvodno na granici prema Republici Srpskoj u mjestu zvanom Marijino Vrelo i nizvodno 250 m od ušća Usore u Bosnu
- Tešanjka nastaje od dva vodotoka i to; Tešanjске Rijeke i Trebačke Rijeke i cijelim tokom se nalazi u ovoj ribolovnoj zoni
- Ciglansko jezero.

Ribolovna zona Doboj Jug-Tešanj-Usora namijenjena je za sportsko-rekreacioni ribolov.

Član 6.

Za realizaciju ove Odluke zadužuje se Ministarstvo za poljoprivredu, šumarstvo i vodoprivredu u okviru svojih nadležnosti.

Član 7.

Odluka stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-25-21472/07

PREMIJER

Datum, 13.09.2007. godine

Zenica

Miralem Galijašević, s.r.

273.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2007. godinu («Službene novine Zeničko-dobojskog kantona», broj 7/07), Vlada Zeničko-dobojskog kantona, na 28. sjednici, održanoj 28.09.2007. godine, donosi

O D L U K U

o uvećanju sredstava u Budžetu Zeničko-dobojskog kantona za 2007. godinu

Član 1.

Odobrava se uvećanje sredstava u Budžetu Zeničko-

dobojskog kantona za 2007. godinu («Službene novine Zeničko-dobojskog kantona», broj: 7/07) za budžetskog korisnika: Ministarstvo za obrazovanje, nauku, kulturu i sport – KŠC «Don Bosco» Srednja mješovita škola Žepče.

Uvećanje sredstava u Budžetu Zeničko-dobojskog kantona za 2007. godinu, vrši se na slijedeći način:

- na razdjelu 22, budžetska organizacija 03, potrošačka jedinica 0033 – KŠC «Don Bosco» Srednja mješovita škola Žepče – sredstva na poziciji 821300 – Nabavka opreme - Plan izdaci iz donacija 2007. godina uvećavaju se za 5.000,00 KM,
- u Budžetu Zeničko-dobojskog kantona za 2007. godinu u dijelu A. PRIHODI u koloni Budžet 2007. na poziciji 732112 – Primljeni grantovi od Federacije, uvećavaju se za 5.000,00 KM.

Član 2.

Odobrena sredstva od strane Federalnog ministarstva obrazovanja i nauke KŠC «Don Bosco» Srednja mješovita škola Žepče će utrošiti za opremanje radionice za praktičnu obuku učenika. Škola je dužna sačiniti izvještaj o utrošenim sredstvima te isti dostaviti Ministarstvu finansija, putem resornog ministarstva, najkasnije 7 (sedam) dana nakon utroška sredstava.

Član 3.

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija.

Član 4.

Ova Odluka stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-14-23026/07

PREMIJER

Datum, 28.09.2007. godine

Zenica

Miralem Galijašević, s.r.

274.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2007. godinu («Službene novine Zeničko-dobojskog kantona», broj 7/07), Vlada Zeničko-dobojskog kantona, na 28. sjednici, održanoj 28.09.2007. godine, donosi



Komisija za Statut i propise

Broj: 01-21-2557/25-AP-2

Datum: 23.12.2025. godine

Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik grada Zavidovići“, broj: 7/22 i 1/23), Komisija za Statut i propise na 17. sjednici održanoj dana 23.12.2025. godine, razmatrala je Prijedlog Zaključka o ustupanju korištenja ribolovnog područja, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Zaključka o ustupanju korištenja ribolovnog područja, u skladu sa zakonom i drugim propisima.

2. Komisija za Statut i propise smatra da je Prijedlog Zaključka o ustupanju korištenja ribolovnog područja, pripremljen u skladu sa članom 13. stav (1) alineja 5. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), članom 6. Zakon o slatkovodnom ribarstvu („Službene novine Federacije BiH“, broj: 10/25), članom 5. Odluke o određivanju ribolovnog područja i ribolovnih zona na području Zeničko-dobojskog kantona („Službene novine Zeničko-dobojskog kantona“, broj: 18/07), članom 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i članom 106. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23).

3. Komisija za Statut i propise smatra da je Prijedlog Zaključka o ustupanju korištenja ribolovnog područja, pripremljen u skladu sa Jedinostvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), s tim da Komisija za Statut i propise podnosi, slijedeće:

AMANDMAN I

U uvodnom dijelu Zaključka preambula se mijenja i glasi: „Na osnovu člana 13. stav (1) alineja 5. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 6. Zakona o slatkovodnom ribarstvu („Službene novine Federacije BiH“, broj: 10/25), člana 5. Odluke o određivanju ribolovnog područja i ribolovnih zona na području Zeničko-dobojskog kantona („Službene novine Zeničko-dobojskog kantona“, broj: 18/07), člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 106. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23). Gradsko vijeće Zavidovići na ____ sjednici održanoj dana ____ 12.2025. godine, donosi“.

AMANDMAN II

U naslovu Zaključka dodati tekst iza riječi Zaključak, koji glasi: „o ustupanju korištenja ribolovnog područja Grada Zavidovići“, tako da isti glasi: „Zaključak o ustupanju korištenja ribolovnog područja Grada Zavidovići“.

O b r a z l o ž e n j e

Komisija za Statut i propise predlaže da se u preambuli Zaključka unesu propisi koji su osnov za davanje prethodnog mišljenja o ustupanju na korištenje ribolovnog područja Grada Zavidovići, te da se u naslov Zaključka uskladi sa sadržajem istog.

4. Prijedlog Zaključka o ustupanju korištenja ribolovnog područja, dostavlja se predsjedavajućoj radi uvrštavanja u dnevni red sjednice Gradskog vijeća.

5. O realizaciji ovog Zaključka starat će se Stručna služba Gradskog vijeća.



PREDSJEDNICA KOMISIJE
ZA STATUT I PROPISJEŽ

mr. iur. Džemanina Memagić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-21-2557/25-AP-3

Datum: 22.12.2025. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 13. sjednici održanoj 22.12.2025. godine, razmatrala je Prijedlog Zaključka o ustupanju korištenja ribolovnog područja, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Zaključka o ustupanju korištenja ribolovnog područja.
2. Prijedlog Zaključka o ustupanju korištenja ribolovnog područja, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Dino Starčević, dipl. ecc.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za prostorno planiranje,
uređenje i ekologiju**

Broj: 01-21-2557/25-AP-4

Datum: 22.12.2025. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 49. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za prostorno planiranje, uređenje i ekologiju na 10. sjednici održanoj 22.12.2025. godine, razmatrala je Prijedlog Zaključka o ustupanju korištenja ribolovnog područja, pa nakon rasprave donijela

ZAKLJUČAK

1. Komisija za prostorno planiranje, uređenje i ekologiju prihvata Prijedlog Zaključka o ustupanju korištenja ribolovnog područja.
2. Prijedlog Zaključka o ustupanju korištenja ribolovnog područja, dostavlja se predsjedavajućoj radi uvrštavanja u dnevni red sjednice Gradskog vijeća Zavidovići.
3. O realizaciji ovog Zaključka starat će se Stručna služba Gradskog vijeća.



PREDSJEDNIK KOMISIJE

Almir Muratović, dipl. ing. grad.